



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

CXLV. Divisio materiarum & Gratiarum Apostolicarum, quæ per Datariam
Apostolicam, quæque per Secretariam Brevium secretorum sunt
expediendæ. 26. Novemb.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

1745.

Observantia dierum Festorum remittitur, necessitate id exigente, ab Alex. III.

Similiter à Sixto V.

Rationes indulgenti celebratio-ni Nundinarum diebus Feltis.

Conditio-nes adjectæ pro Nundinis Senogall.

Compensa-tio.

Ne certis per diem Festum horis commercia agantur.

pejora contingant absurda, præcipimus quod possumus, non quod optamus.

§. 26. Neminem certe latet, quo flagraverit zelo, quantumque divini honoris fuerit studiosus, celebratissimus Pontifex Alexander III. Noster Prædecessor: Ratione tamen pari, ac necessitate compulsus, indulgit quibusdam Populis, ut diebus Dominicis, aliisque Feltis, piscarentur, majoribus dumtaxat Solemnitatibus exceptis; dummodo piscatione peracta, congruentem elemosynam impertirent vicinis Ecclesiis, & pauperibus Jesu Christi, ut habetur in Cap. licet. de Feltis.

§. 27. Dum in minoribus constituti à Secretis eramus memoratæ Congregationis Concilii Tridentini Interpretis, præ manibus habuimus Indultum fel. record. Sixti Papæ V. Prædecessoris Nostri, qui ad preces cujusdam Abbatis Ordinis S. Benedicti Diocesis Gerunden. facultatem impertitus est piscandi Diebus Feltis Habitatibus Caltri, mari adjacentis, post auditam Missam, & post meridiem, adjecto onere tribuendi Abbati, ejusque Monasterio tertiam lucri partem, in Ecclesiæ instaurationem pie erogandam. Quæ conditio progressu temporum cum nimis onerosa visa sit Piscatoribus, paupertate pressis, & exhaustis dispendio, quod Naves Piscatoriæ exigebant; re ad Sac. Congregationem delata, imminutum fuit primævum onus ad septimam partem, ut ex Decreto edito die 24. Augusti 1720.

§. 28. Fatemur sane, necessitatem, quæ sese Alexandro III. objecerat, cum illa, in qua versamur, non esse conferendam. Nostra tamen gravis est, si illa fuit gravissima. Dum enim est, atque asperum id Populis adimere, quod Decessores Nostri peculiaribus Literis indulserunt: Res præterea hujusmodi conditionis est, quæ pluries vetita, atque sublata, denuò in pristinum morem emerit: De ipsa non una est Theologorum, & Canonistarum sententia: Quinimo aliquot doctrina, & pietate illustres illam illicitam non habent. De re tandem agitur, qua sublata, minuerentur Populorum commoda, atque commercia, humanæ vitæ longè opportuna. E contra verò retineri alio modo non potest, quàm quo viget; Etenim difficillimum, ne dicamus impossibile, deprehenditur, frequentes haberi posse Nundinas extra dies Feltos, quibus confertim Populi confluunt, quovis alio soluti labore, ac negotio.

§. 29. Inter Nundinas, quæ in Provinciis nostris aguntur, illustriores, ut benè nostis, sunt Senogallenses protractæ multis diebus. Cum Anconitanam Ecclesiam Senogallensium finitimam regeremus, non sine mœrore intelleximus, tempore Nundinarum ea omnia fieri Festo etiam die, quæ aliis hebdomadæ diebus Divino cultui non consecratis, peragebantur. Huic malo occurrere satagentes, die 24. Augusti superioris anni Constitutionem Nostram de Nundinis Senogallensibus publicavimus, qua præter cætera jussimus, ut Diebus Feltis Apothecæ clauderentur; Neque matutinis horis, aut vespertino tempore, quibus Divina Officia in Ecclesiis celebrantur, vel Dei verbum Populo nuntiatur, Contractus fierent. Imminutum verò hac de causa sæcularibus negotiis tempus compensaturi, Nundinarum dies, cum iisdem Privilegiis & immunitatibus, opportunè multiplicavimus. Executioni debitæ jussa nostra hoc anno mandata, meliorem atque utiliorem repem ordinem pepererunt, magno omnium Civium, & benè moratorum hominum solatio.

§. 30. Id ipsum, Ven. Fratres, & vos agite. Constituite, Auctoritate Nostra, matutinas & vespertinas horas, quibus Festo Die, quo Nundinæ habentur, claudi debeant Apothecæ, nec publica possint exerceri commercia, ut qui ad

Nundinas confluerunt, Missæ Sacrificio, & Divinis Officiis inter sint, aliisque Christianis operibus Festum sanctificent. Vigilate, ut omnia plene, & exacte implentur. Nos autem per Publicum Edictum non prætermittimus extendere Nundinarum privilegia ad diem sequentem, qui Festus non erit; ut temporalia negotia paucarum horarum spatio, propter Dei cultum & animarum salutem, intermissa, integri diei accessione commode peragantur.

§. 31. Hæc sunt, Ven. Fratres, quæ post maturum examen, auditamque gravium atque doctorum Virorum sententiam, de proposita quæstione Vobis significanda censuimus, quibus omnibus Apostolicam Benedictionem peramanter impertimur.

Datum Romæ apud Sanctam Mariam Majorem die quinta Novembris MDCCXLV. Pontificatus Nostri Anno Sexto.

Divisio Materialium & Gratiarum Apostolicarum, quæ per Datariam Apostolicam, quæque per Secretariam Brevium Secretorum sunt expediendæ.

BENEDICTUS EPISCOPUS

SERVUS SERVORUM DEI,

Ad perpetuam rei memoriam.

GRAVISSIMUM Ecclesiæ Universæ reique publicæ regimen humilitati Nostræ conceditum, optimâ, quantum Nobis ex alto conceditur, ratione moderari; simulque ab omnibus iis, quorum opera ac ministeriis utimur, concordibus atque in unicum publicæ utilitatis scopum collineantibus studiis procurari cupentes; id maxime interesse arbitramur, ut singulis Officiis, quibus tam Justitiæ administratio, quàm Gratiarum dispensatio continetur, proprias atque distinctas in Republica partes, certosque tum auctoritatis tum jurisdictionis limites designemus: Constat enim, non aliunde certiorum gubernii concordiam, quàm ex recta divisione munerum, & Officiorum partitione coalescere; nec magis firmam corporis stabilitatem, quàm ex apta atque ordinata membrorum omnium distinctione consistere. Quapropter, cum anno proximè elapso, editis Apostolicis Literis XII. Kalendas Januarii, quarum initium est: *Romane Curia præstantiam*, hujusmodi munerum & jurisdictionum divisionem pro Judicibus & Tribunalibus hujus Nostræ Curie, in iis, quæ pertinent ad legitimam Causarum judicia, opportunè statuerimus: animum in præsentia adjicimus ad certos constituendos fines, intra quos ea quoque Officia se in posterum continere debeant, quibus demandata est expeditio Gratiarum, quæ de Apostolicæ Sedis liberalitate tam in universos Christianos, quàm in Subditos Ditioni Nostræ Populos, assidue diffunduntur.

§. 1. Porro ad expedienda complura hujusmodi Gratiarum genera, inter cæteros Apostolicæ Sedis Ministros & Officiales, unus in Dataria Apostolica ab immemorabili tempore extitit, Magister Brevium nuncupatus, cujus electionem ante Pontificatum felicis recordationis Prædecessoris Nostri Pauli Papæ V. ad Collegium Secretariorum Apostolicorum absque controversia pertinuisse dignoscitur. Verùm quum de anno 1614. post obitum olim Joannis Mileti ad hujusmodi Officium Magistrum Brevium à prædicto Collegio Secretariorum Apostolicorum electi, super jure novum Magistrum Brevium eligendi & deputandi, triangularis orta esset lis & con-

troverfias;

1745.

Dies Nundinarum prorogantur.

Dat. die 5. Nov. 1745.

CXLV.

Officiorum & jurisdictionum distinctio recto regimini necessaria.

Reformatio Tribunalium à Sanctissimo Domino Nostro peracta.

De Officio Magistrum Brevium in Dataria Apostolica.

1745.

troverſia; num ſcilicet ad Datariam Apoſtolicam, an verò ad prædictum Collegium Secretariorum Apoſtolicorum, vel potius ad Collegium Scriptorum Brevium, prædicti Officialis electio & deputatio ſpectaret; etæque Lis & Cauſa coram bon. mem. Marco Aurelio Maraldo tunc temporis Datario diſcuteretur, atque adhuc indeciſa penderet; idem Prædeceſſor Paulus hujusmodi Litem & Cauſam auctoritate Apoſtolica ad ſe avocavit, atque omnibus ritè perpenſis, per ſuam Schedulam Motus proprii decrevit & declaravit, electionem perſonæ, quæ Officium Magiſtri Brevium exerceret, à prædicto Collegio Secretariorum Apoſtolicorum ſemper faciendam eſſe & fore, factamque tunc ab ipſo Collegio electionem in perſona Joannis Jacobi Bulgarini ratam habuit, approbavit, & confirmavit.

Quod à Gregorio XV. in Officium Vacabile erectum fuit.

§. 2. Poſtea verò recolenda memoriæ Prædeceſſor pariter Noſter Gregorius Papa XV. Anno MDCXXXII. Officium hujusmodi Magiſtri Brevium in Officium Vacabile ſub eodem titulo, cum adnexis Prælaturæ inſignis & honoribus, & cum facultate illud reſignandi pro juſto pretio, ad ſaltat aliorum Officiorum Vacabilium, erexit, ipſique pro tempore Prælate hujusmodi Officii poſſeſſori, omnia & ſingula emolumenta, quæ de cætero in Gratiarum expeditionibus à Magiſtro Brevium percipi & exigi conſueverant, perpetuò ceſſit & assignavit; atque ita de una in alteram perſonam tranſeundo, Officium prædictum in proprietatem devenit Venerabilis Fratris Alexandri de Abbatibus, nunc Viterbienſis Epifcopi. Cum autem Nos, conſervandis augendisque Apoſtolicis Aerarii utilitatibus ſollicitè intenti, uberes ejuſdem Officii redditus, cum primùm illi ex perſona moderni ipſius Poſſeſſoris vacare contigiſſet, Cameræ Noſtræ Apoſtolicæ in perpetuum applicare & appropriare ſtatuiſſemus; ut etiam citius hujusmodi applicatio & appropriatio ſuam ſortirentur effectum, Officium ipſum à prædicto Alexandro Epifcopo pro competenti pretio reſignari curavimus. Quod quum ipſe de facto in manibus Noſtris ſpontè reſignaveſſet; Nos reſignationem hujusmodi admittentes ad commodum & favorem ejuſdem Cameræ Apoſtolicæ, per ſpeciale Chirographum manu Noſtra ſignatum ſub die 6. Junii Anni Domini MDCCXLII., mandavimus, ipſi Reſignanti perſolvi ex pecuniis prædictæ Cameræ tredecim millia ſcutorum monetæ Romanæ de juſtis decem pro quolibet ſcuto, pro pretio convento prædicti Officii, quemadmodum ſoluta fuerunt; & ex tunc hujusmodi Officii Magiſtri Brevium nuncupati annum fructum, & emolumenta ex ipſius Officii exercitio pro tempore redigenda, eidem Cameræ Apoſtolicæ applicavimus, & perpetuo incorporavimus; ita tamen, ut à Noſtro & Pontificum Succeſſorum Noſtrorum pro tempore Datario, unus aliquis Officialis eligi, & cum congrua mercedis assignatione deputari debeat, ad hoc ut ſub ejuſdem Datarii directione, nomine verò Cameræ Apoſtolicæ, Officium ipſum fideliter exerceat, & adminiſtret, prout ſupradictus Alexander Epifcopus ejuſque in dicto Officio Prædeceſſores pro tempore exercuerunt; ac de perceptis ſeu exactis emolumentis, ſtatutis temporibus, & quandocumque opportuuum viſum fuerit, rationem reddat, prout in prædicto Chirographo manu Noſtra ſignato, & in Inſtrumento indidem per acta dilecti Filii Gregorii Caſtellani unius ex ejuſdem Cameræ Apoſtolicæ Secretariis ſub die quinta Julii ejuſdem anni conſecto & ſtipulato, latius & uberius continetur.

Qui ſeparari jubet gratiarum genera per dictum Officium.

§. 3. Ut autem certa ratione conſtet, quænam gratiarum, & conſeſſionum genera per Datariam prædictam, & per organum hujusmodi Magiſtri Brevium in poſterum expedi

oporteat; quænam verò ſint expeditiones, quæ per Literas ſub Annulo Piſcatoris, & per Secretariam Brevium Noſtrorum Secretorum fieri permittuntur; omniſque inordinatio & conſuſio tollatur, quæ ex promiſſuo recurſu ad prædictas Datariam, & Secretariam Brevium, aliàs ultrato, orieatur; non ſine fraudum periculo, & Officiorum Vacabilium de expeditionibus participantium, adeoque ipſius Cameræ Noſtræ Apoſtolicæ detrimento; mandavimus Dilecto Filio Noſtro Dominico Tituli Sancti Bernardi ad Thermas Sanctæ Romanæ Eccleſiæ Presbytero Cardinali Paſſioneo nuncupato Brevium Noſtrorum Secretorum Secretario, necnon dilecto Filio Magiſtro Joanni Jacobo Millo Datario Noſtro, ut unanimi ſtudio, perpenſis veteri ſtylo & conſuetudine, atque etiam ipſa multiplicis generis gratiarum & conſeſſionum natura, conſilium ſuum Nobis aperirent ſuper hujusmodi negociorum diſiſione & congrua partitione inter prædicta Officia inviolabiliter in poſterum ſtabilenda & reſpectivè ſervanda.

§. 4. Ipſi verò præmiſſa omnia ſedulò & accurate penſantes, auditis etiam utriuſque Officii prædicti Miniſtris in eorum praxi, ſtulo, & conſuetudinibus, reſpectivè peritis, poſt maturum examen, Elenchum quemdam, communi ipſorum conſenſu conceptum, & utriuſque ſubſcriptione ſignatum Nobis obtulerunt, in quo ſingillatim continebantur materiæ ſeu gratiarum Apoſtolicarum genera: Primò quidem earum, quarum expeditionem ad dictam Secretariam Brevium Secretorum privativè; ſecundò earum, quarum expeditionem, tam ad ipſam Secretariam, quam ad Datariam Apoſtolicam promiſſuè; tertio demum earum, quarum expeditionem ad ipſam Datariam privativè ſpectare debere convenientiùs judicantur.

§. 5. Porro conſeſſiones, & gratiæ, quarum expeditio, juxta prædictum Elenchum, Secretariæ Brevium Secretorum privativè tribuitur, tales ſunt: *Altaia portatilia: Altaia privilegiata: Conſeſſiones habitus Militiæ Domini Noſtri Jeſu Chriſti, aut alterius Militiæ ſimilis: Avocationes Cauſarum, & extinctiones Litium: Abbreſiatio Nuntiarum: Indulta gaudendi privilegio antianitatis pro Advocatis Conſiſtorialibus Coadjutoribus: Creationes in Militem aurata Militiæ: & in Comitum Palatinum: Licentiæ ingrediendi in Monasterium educationis cauſa: Facultates permanendi in Monasterio in habitu ſeculari: Capiendi poſſeſſionem nomine Camera: Veſcendi prohibiti: Brevia facultativa Magni Magiſtris cujuſlibet Ordinis Equeſtris, vel Militiæ: Benediſſiones Agrorum contra Antimalia nociva: Commutationes voluntatis: Confirmationes Decretorum Congregationum, & Literarum patentium Nuntiarum, aut Legatorum Sedis Apoſtolicæ: Commutationes Officii Dirini in alias preces: Creationes in Generalem, aut alios Officiales Regulares: Clericatus Camera: Admiſſiones ad privilegia Civitatis, vulgò Cittadinanze: Deputationes Coadjutorum in Officiis & muneribus ſecularibus: Communicationes privilegiorum & Indulgentiarum: Confirmationes electionum Perſonarum, non tamen ſuper re Beneficiaria: Creationes Magiſtrorum, Abbatum, & aliorum Graduatorum Regularium: Commiſſiones contra Epifcopos: Diſpenſationes ſuper defectu ætatis tredecim menſium, vel alterius temporis, ad effectum ſuſcipiendi Ordines: Declarationes Cappelle publicæ: Derogationes Fideicommiſſorum: Doſtoratus: Deputationes Commiſſariorum, Viſitatorum, Collectorum, Auditorum, & Notariorum Nuntiarum & aliorum ſimilium: Diſpenſationes ſuper Bigamia, aut alio ſimili impedimento obſiſtente receptioni in Militiis, & Ordinibus Equeſtribus: Licentiæ concedendi Bona Eccleſiaſtica in emphyteuſim ad tempus, & ad tertiam generationem, dummodo tamen Canon, aut Cenfus annuus, ſummam decem ducatorum*

1745.

cium expedien. ab aliis, quæ per Secretariam Brevium expediunt.

Elenchus Gratiarum per Secretariam Brevium privativè expedit.

1745.

auri de Camera non excedat, prout reperitur in regestis: Erecciones Marchionatus in Principatum, aut Ducatum, vel Comitatum: Erecciones Montium, Collegiorum, & Provinciarum pro Regularibus: Dismembrationes Conventuum ab aliqua Provincia ad effectum erigendi aliam: Oeconomatus: Erecciones Archiconfraternitatum cum facultate aggregandi: Facultates Universitatis Studiorum: Facultates Episcopis suscipiendi munus Consecrationis: Licentia patrocinandis in Causis Criminalibus: Retinendi Famulam in Monasterio: Facultates absolvendi à casibus reservatis: Retinendi Sacrum Oleum Infirmorum: Et asservandi Sanctissimum Eucharistie Sacramentum: Facultates S. R. E. Cardinalium, Legatorum, Nuntiorum, & Episcoporum Pontificio Solio assistentium: Facultates assumendi nomen & Titulum Archiepiscopi, etiamsi Pallium quis non habeat: Gubernia: Indulgentie ordinariae, & extraordinariae: Indulta emitendi professionem ante completum annum Novitatus: Emitendi pariter professionem in Conventu non destinato: Utendi Biretino: Non incedendi in habitu, ratione pensionum, juxta Constitutionem Sixti V. ad triennium: Impositiones super Ecclesiasticis: Cruciatæ: Prorogationes pensionum: Exemptiones à velligalibus, Processionibus, & oneribus: Licentia ingrediendi Monasteria & permotandi in eis: Creandi Censui, eoque extinguendi: Permutationes Bonorum, non tamen super materia beneficiæ vel Ecclesiastica: Indulta capiendi possessionem post signatam supplicationem, & ante expeditionem Literarum, tam pro Episcopis, quam pro quocumque Beneficio Ecclesiastico, ad sex menses: Percipiendi fructus in absentia & non residendo: Permanendi extra Statum Ecclesiasticum: Habendi Fenestram, Cancellos, & Januam in publicis Ecclesiis: Recipiendi Sacram Communionem in privatis Domus Oratorii: Retinendi, & legendi Libros prohibitos: Exercendi Opera servilia diebus festivis: Celebrandi in loco patrali delicti: Incedendi in habitu laicali, ad effectum dumtaxat gaudendi privilegio Fori, & retinendi pensiones, ut supra: Legitimationes: Concessionem habendi locum in Consilio Ferrariorum, aut alterius Civitatis, & Terræ Status Ecclesiastici: Dispensationes Matrimoniales pro Principibus Supremis: Oratoria privata: Creationes Protobonatariorum Apostolicorum non participantium: Prohibitiones extrahendi Libros, Paramenta, & utensilia sacra: Revocationes talium prohibitionum: Prorogationes ad tempus, non tamen ad presentandum, aut publicandum, vel ad suscipiendos Ordines, sive aliquem gradum, juxta decretum appositum in supplicatione per Datariam: Facultates privative imprimendi Libros: Revalidatoria, seu Perinde valere super Brevibus jam expeditis: Loca seu Officia Quadraginta Virorum Reformatorem status libertatis Civitatis Bononiensis, & resignationes eorumdem Locorum seu Officiorum: Restitutiones in integrum, dummodo non sint in materia beneficiaria: Reductiones onerum & Missarum: Concessionem privative venationis: Provisiones Ecclesiarum in Partibus Infidelium ad instantiam vel commodum Congregationis de Propaganda Fide, favore Vicariorum, necnon Ecclesiarum Scotiae & Hiberniae, quæ à prædicta Secretaria gratis conceduntur: Auditoratus Rotæ Maceraten., Ferrariensis, & Bononiensis: Officia Signatura: Alia Officia, & munera secularia, quæ à Romano Pontifice secularibus conferuntur, & quæ per Breve expediri consueverunt, & similia, quæ respiciunt secularitatem sine ulla connexionem cum beneficiaria, cujusmodi sunt Capitaneatus, Baroncellatus, Fiscalatus, & similia; necnon Deputationes Coadjutorum in eisdem: Licentia Personis Ecclesiasticis suscipiendi tutelam Minorum, & nobilibus Mulieribus viduis suscipiendi tutelam Filiorum: Item Personis Ecclesiasticis, studendi Juri in publicis Studiorum Universitatibus: Extrahendi Reiquias: Versandi cum Hereticis: Locandi ad tempus:

& Indulta liberandi Reos pro Confraternitatibus.

§. 6. Gratia autem & concessionem, quæ tam per Secretariam Brevium prædictorum, quam per Datariam Apostolicam promissæ, juxta dictum Elenchum, poterunt expediri, sunt quæ sequuntur: Confirmationes Contractuum, Statutorum, Privilegiorum, Ordinationum, Concordiarum, & Transactionum, tam in forma communium, quam in forma specifica: Absolutiones cum dispensationibus ad Ordines super Irregularitate proveniente ex defectu corporis, vel ex delicto, non tamen homicidii in Statu Ecclesiastico commissi: Confirmationes Decreti Judicis: Derogationes Statutorum Urbis, Spoletan., & aliarum Civitatum super excessu Dotis: Dispensationes super premissis Irregularitatibus cum prædictis restrictivis: Extra Tempora, tam pro Italis, quam pro Ultramontanis: Erecciones Confraternitatum: Indulta medendi, & exercendi Chirurgiam: Indulgentia perpetua pro Confraternitatibus: Licentia transendi ad Ordinem strictiorem: Licentia se immiscendi in Criminalibus: & restitutiones adversus lapsum quinquenni.

§. 7. Demum Concessionem, & Gratia, quarum expeditio, juxta relatum Elenchum, Dataria Apostolica privative quoad Secretariam prædictam reservatur, sunt generaliter quæcumque alia Concessionem & gratia in superioribus non comprehensæ nec expressæ; & signanter illæ omnes, in quarum expeditione, de lilo & consuetudine immemorabili, solvenda est Compositio in ipsa Dataria, aut Taxa Cancellariae, sive Jocalium.

§. 8. Nos igitur, quum præmissam materiarum, & gratiarum Apostolicarum divisionem & partitionem iustâ lance libraverimus, eademque rationabilem, & æquitatè consonam, & tam Secretariae & Datariae prædictarum iuribus congruenter distinguendis, quam Camerae & Cancellariae Apostolicarum, illarumque respective Ministeriorum, Officialium, & Collegiorum indemnitatibus conservandis & stabilendis, aptam opportunaque agnovimus; non modo ipsam, prout superius expressa est, ratam & gratam habemus; verum etiam perpetua ipsius firmitati, & observantiae consulere & providere volentes, motu proprio, & ex certa scientia, ac matura deliberatione Nosstræ, eadem, Apostolica auctoritate, tenore præsentium, in perpetuum approbamus & confirmamus, illique inviolabilem Sanctionis Nosstræ firmitatem & robur adjuicimus. Decernentes, & eadem auctoritate statuentes, quod gratia & concessionem Apostolicæ alterutri ex Secretaria Brevium, & Dataria prædictis privative, ut præmissis; attributa, si quas forte per alterum ex dictis Officiis, contra hujusmodi partitionis & divisionis præscriptum, expediti quomodocumque in posterum contingat; necnon ipsæ Literæ Apostolicæ super iisdem confectæ; nullitatis & invaliditatis vitio subiaceant: prout nos illas ex nunc, prout ex tunc, & contra, tamquam non ritè & legitime, seu etiam nullo modo expeditas, processusque forsan habitos vel habendos per easdem, cum omnibus & singulis inde quomodolibet fecutis & sequendis, dicta Apostolica auctoritate, ipsarum tenore præsentium, annullamus, irritamus, & invalidamus, nemini que ad quemcumque effectum ullatenus suffragari posse decernimus.

§. 9. Quamobrem iisdem Dominico Cardinali, & Magistro Joanni Jacobo Datario, eorumque pro tempore in muneribus hujusmodi respective Successoribus, per easdem præfentes diffinitè præcipimus & injungimus, ut ipsi in posterum in quarumcumque gratiarum & concessionum Apostolicarum expeditione, superius præscriptam divisionem & partitionem præ oculis habentes, eam firmiter observent, ac ab omnibus & singulis sibi respective subiectis Personis, Officialibus, vel Ministris inviolabiliter observari faciant. Et pro hujusmodi observantia, omnes &

quascum-

1745.

Item eorum, quæ tam per Datariam, quam per Secretariam Brevium expediri possunt.

Quædam per Datariam tantum expediti debent.

Pontifex confirmat relatum divisionem, & privativam inter dicta Officia respective constituit.

Sub pena nullitatis expeditio-num.

Jubet supplicationes dirigi ad quem de jure.